



SAKSFRAMLEGG

Sakshandsamar: Ragnhild Lønningdal	Arkivkode: FA-K54
Arkivsaksnr: 19/13	Løpenr: 19/9506
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	17.12.2019	026/2019

Kontaktpersonar til Vestland vassregionutval og vassområdeutval 2019-2023

17.12.2019 Naturutvalet:

Handsaming i møtet:

Rådmannen si tilråding vart samrøystes vedteke.

NAT- 026/2019 Vedtak:

Samnanger kommune sin politiske representant til vassområdeutvalet for Vest vassområde vert for perioden 2019-2023 ordførar Knut Harald Frøland. Vararepresentant vert leiar i naturutvalet Karl Bård Kolbotn.

Rådmannen sitt framlegg til vedtak:

Samnanger kommune sin politiske representant til vassområdeutvalet for Vest vassområde vert for perioden 2019-2023 ordførar Knut Harald Frøland. Vararepresentant vert leiar i naturutvalet Karl Bård Kolbotn.

Kva saka gjeld:


Den heilskaplege og samordna vassforvaltinga i Noreg byggjer på EUs vassdirektiv, som er gjennomført i den norske vassforskrifta frå 2007. Vassdirektivet og vassforskrifta legg til rette for ei ambisiøs vassforvaltning, med målsetningar om berekraftig miljøtilstand i alle vassførekomstar innan fastsette fristar. Heile Europa arbeider etter dei same prinsippa og den same timeplanen. Det gjer det enklare å samarbeide om å ta vare på vatnet i nedbørsfelt som kryssar landegrensene, og det gjer at vi kan lære ved å dele erfaringar og gode døme landa imellom. Det gir òg høve for landa til å setje i gang felles forskning og utvikling.

Vassforskrifta slår fast at det skal utarbeidast regionale vassforvaltingsplanar med tilhøyrande tiltaksprogram. Planen skal utarbeidast som ein regional plan i samsvar med plan- og bygningslova (pbl § 8-1) og følgjer utgreiingskrava som er fastlagde i pbl § 4-1 og 4-2 og forskrift om konsekvensutgreiing (KU). Fylkeskommunen (regional planstyresmakt) vil vere ansvarleg styresmakt for plan- og KU-prosessen og vil samarbeide med dei aktuelle offentlege styresmaktene og

organisasjonane i planprosessen. Statlege organ og kommunar har rett og plikt til å delta i planlegginga når ho gjeld deira verkeområde eller deira eigne planar og vedtak (jf. pbl § 8-3).

Frå årsskiftet vert vassregionane Sogn og Fjordane og Hordaland slegne saman til Vestland vassregion. I høyringsutgåva til planprogrammet for den nye vassforvaltningsplanen for Vestland vassregion, er det føreslege at kommunane vert representert i Vestland vassregion med ein kommune frå kvart vassområde. Tidlegare var alle kommunar representert i vassregionutvalet. **Det betyr i praksis at arbeidet i vassområdeutvala vert viktigare for kommunen.**

Vårt vassområde heiter Vassområde Vest og består av kommunane Askøy, Austevoll, Bergen, Bjørnafjorden, Samnanger og (nye) Øygarden. Organiseringa ser slik ut:



Eit eige forum for dei administrative kontaktpersonane er oppretta (kalla prosjektgrupper). I vassområdeutvala er kommunane sentrale aktørar og utvalet er eit samarbeidsfora for kommunane om vassforvaltning. Statlege etatar vert invitert inn til møta når relevante tema står på programmet.

Ein finn meir informasjon om arbeidet med vassforvaltningsplanane på Vannportalen: <https://www.vannportalen.no/vannregioner/hordaland/plandokument/plandokument---pa-hoyring-i-2019/>

Vurderingar og konsekvensar:

Fylkeskommunen rår til at kommunane sin politiske representant vert ordføraren, med grunngjeving i å få så god lokal forankring som mogleg. Administrasjonen ser ingen grunn til å leggja fram framlegg om noko anna. Me rår til at leiar av naturutvalet vert valt som vara.

Administrativ kontaktperson er planleggjar (plan og miljø) Ragnhild Lønningdal.